



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

61
Broj: 11-34-04/01-8708-44/25
Sarajevo, 24.03.2025. godine

SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo

PREDMET: Odgovor na zastupničko pitanje, *dostavlja se*

Poštovani,

Zastupnica u Skupštini Kantona Sarajevo Marijela Hašimbegović, na 20. radnoj sjednici Skupštine Kantona Sarajevo, održanoj dana 14.03.2025. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa čl. 211. i 214. Poslovnika Skupštine Kantona postavila je zastupničko pitanje iz priloga.

Odgovor:

Poštovani,

Vlada Kantona Sarajevo donijela je Zaključak, kojim se usvojio Program sufinansiranja boravka djece predškolske dobi u privatnim predškolskim ustanovama na području Kantona Sarajevo u školskoj 2024/25. godini. Navedenim Zaključkom Vlada Kantona Sarajevo je zadužila Ministarstvo za odgoj i obrazovanje Kantona Sarajevo (u daljem tekstu: Ministarstvo) da poduzme mjere i radnje iz svoje nadležnosti definisane Programom, a na osnovu čega je Ministarstvo donijelo Instrukciju o upisu djece u predškolske ustanove u školskoj 2024/25. godini, kojom je jasno propisan cjelokupni proces upisa djece u predškolske ustanove putem online platforme sistem EMIS-predškolsko.

Upis djece u odgojne grupe u javnim i privatnim predškolskim ustanovama obavlja se u skladu sa uzrastom koji je definisan Odlukom o pedagoškim standardima i normativima za predškolski odgoj i obrazovanje („Službene novine Kantona Sarajevo”, br. 46/16, 12/21, 20/22, 35/24 i 3/25), u daljem tekstu: Odluka o pedagoškim standardima.

Uvidom u sistem EMIS-predškolsko i analizom Izvještaja o realizaciji polugodišnjeg programa rada JU “Djeca Sarajeva” Sarajevo za školsku 2024/25. godinu utvrđeno je da grupe nisu formirane u skladu sa Odlukom o pedagoškim standardima, te je aktom Ministarstva, broj: 11-04/01-34-28-77/25 od 17.02.2025. godine ustanova obavezana da usklađivanje, kako je traženo, izvrši u najkraćem roku.

Ciljevi predškolskog odgoja i obrazovanja proizilaze iz općeprihvaćenih, univerzalnih vrijednosti za svako demokratsko društvo uvažavajući specifične nacionalne, historijske, kulturne i vjerske

tradicije naroda i nacionalnih manjina koji žive u Kantonu Sarajevo. Zakonom o predškolskom odgoju i obrazovanju u Kantonu Sarajevo ("Službene novine Kantona Sarajevo", br. 26/08, 21/09, 33/21 i 31/22) je propisano da svako dijete ima jednako pravo pristupa i jednake mogućnosti učešća u odgovarajućem odgoju i obrazovanju, bez diskriminacije po bilo kojem osnovu.

Informišemo Vas da se sva prijavljena slobodna mjesta u sistemu EMIS-predškolsko prikazuju u skladu sa uzrastom djeteta i općinom prebivališta, te da roditelji imaju pravo pristupa i javnim i privatnim ustanovama, ravnopravno, shodno iskazanim slobodnim mjestima od strane istih.


Također, napominjemo da Ministarstvo u toku svakog upisnog roka, a prije početka faze odabira, svim predškolskim ustanovama, pa tako i JU „Djeca Sarajeva“ Sarajevo, dostavi detaljno uputstvo o načinu na koji EMIS odgovorne osobe trebaju pristupiti formatiranju slobodnih mjesta. Prilikom pojave bilo kakvih poteškoća u sistemu, posebno je istaknuta mogućnost obraćanja putem TMS podrške korisnicima, odnosno blagovremeno pružanje pomoći ukoliko EMIS odgovorne osobe predškolskih ustanova nisu u mogućnosti pristupiti realizaciji ispravnog podešavanja broja slobodnih mjesta.

Kako se teži značajnom povećanju obuhvata djece institucionalnim predškolskim odgojem i obrazovanjem, pogotovo povećanju učešća djece iz osjetljivih društvenih grupa, Ministarstvo za odgoj i obrazovanje Kantona Sarajevo radi na jačanju saradnje između javnog i privatnog sektora koji se bavi predškolskim odgojem i obrazovanjem, odnosno, svih predškolskih ustanova u Kantonu Sarajevo i između svih službi, aktera, organizacija i institucija koje rade sa djecom predškolskog uzrasta i porodicama. Ministarstvo je prepoznalo značaj i ulogu svih aktera u predškolskom odgoju i obrazovanju, kako u javnom tako i u privatnom sektoru, te sa njima jača dalju saradnju i radi na zajedničkim aktivnostima i projektima koji su od značaja za predškolski odgoj i obrazovanje.

S poštovanjem,

Dostaviti:

1. Naslovu;
2. Evidenciji;
3. a/a





Bosnia and Herzegovina
Federation of Bosnia and Herzegovina
CANTON SARAJEVO
ASSEMBLY

19-03-2025

- 04 -

- 02 - kopija

Broj:01-04-8708-12/25
Sarajevo, 14.03.2025. godine

MINISTARSTVO ZA ODGOJ I OBRAZOVANJE KANTONA SARAJEVO

**-INSTITUT ZA RAZVOJ PREDUNIVERZITETSKOG OBRAZOVANJA
KANTONA SARAJEVO
Ul. Aleja Bosne Srebrene bb**

**-JU „DJECA SARAJEVA“ SARAJEVO
Ul. La Benevolencije 4.**


PREDMET: Zastupničko pitanje, dostavlja se -

Zastupnica Marijela Hašimbegović na 20. radnoj sjednici Skupštine Kantona Sarajevo, održanoj dana 14.03.2025. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa čl. 211. i 214. Poslovnika Skupštine Kantona Sarajevo postavila je zastupničko pitanje koje vam u prilogu dostavljamo.

Zastupnica je pitanje dostavila u pisanoj formi, te vam isto dostavljamo u prilogu s molbom da u skladu sa odredbama Poslovnika Skupštine Kantona Sarajevo („Službene novine Kantona Sarajevo“, broj: 41/12-Dруги нови преčišćени текст, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) odgovor, u pisanom obliku, uputite predsjedavajućem Skupštine Kantona Sarajevo kako bi isti dostavili zastupnicima u Skupštini.

Prilog: Zastupničko pitanje

Pripremila: Dženita Džebović
Kontrolisala: Amela Smailagić-Čamdžić



**PREDSJEDAVAJUĆI
SKUPŠTINE KANTONA SARAJEVO**

Elvedin Okerić

CO:

- sekretar SKS
- sekretar Vlade





DEMOKRATSKA
FRONTA

MINISTARSTVO ZA ODGOJ I OBRAZOVANJE KS
INSTITUT ZA RAZVOJ PREDUNIVERZITETSKOG OBRAZOVANJA KS
JU ' DJECA SARAJEVA'

U Sarajevu , 16.03.2025 god.

PREDMET: ZASTUPNIČKO PITANJE 20. RADNA SJEDNICA

Standardima i Normativima za predškolski odgoj i obrazovanje („Službene novine Kantona Sarajevo“ broj 46/16,12/21,20/22 ,35/24 i 3/25) koje je donijela Vlada KS, propisan je minimalan broj djece za formiranje odgojnih grupa kao i maksimalan broj djece. U svim ovim grupama Inspektorat prosvjetne inspekcije iniciranim inspekcijским nadzorom utvrdio je manji broj djece u odnosu na standarde tj. u tim grupama ne postoji ni MINIMUM.

Postavlja se pitanje čija je odgovornost za navedeno stanje, da li je to sistem EMIS ili loše obrazovne politike koju sprovodi resorno ministarstvo ili je dio odgovornosti menadžmenta JU "Djeca Sarajeva" ?

Obrazloženje:

U vrtićima JU „Djeca Sarajeva“ na dan inspekcijског nadzora Inspektorat prosvjetne inspekcije utvrdio je da grupe u vrtićima nemaju minimum djece u grupama u skladu sa Pedagoškim standardima i normativima.

1. vrtiću Slavuj odgojna grupa u četvrtoj godini života
2. Vrtić Skenderija odgojna grupa u četvrtoj godini života
3. Vrtić Zvončić Odgojna grupa od 3 godine do polaska u školu, odgojna grupa u petoj godini života i odgojna grupa u šestoj godini života
4. Vrtić Lane odgojna grupa od dvije do tri godine života

Naime, Ministarstvo za odgoj i obrazovanje ima direktan uvid u brojnost djece po grupama i upoznat je sa činjenicama da u pojedinim odgojnim grupama nema ni minimalan broj djece za formiranje odgojno obrazovnog procesa, dok se u isto vrijeme privatni vrtići koji primaju djecu putem EMIS sistema pune i rade u punom kapacitetu. Tako imamo situaciju da je EMIS omogućio prioritetan upis u privatne vrtiće pa tek onda u državne, i u isto vrijeme Budžet KS finansira boravak djece u privatnim vrtićima sa subvencioniranjem dok su grupe u JU 'Djeca Sarajeva' bez propisane norme čiji se odgojno obrazovni kadar finansira iz Budžeta KS.

Također potrebno je utvrditi da li je menadžment JU 'Djeca Sarajeva' koji po svojoj funkciji nosi svoj dio odgovornosti za ovakvo stanje iz razloga nepoštivanja Standarda koje je donijela Vlada KS, blagovremeno dostavljao Informacije o upražnjenim mjestima u vrtićima na obradu sistemu EMIS. U interesu očuvanja javnih vrtića i stvaranja boljih uslova za rad potrebno je doći do odgovora i rješenja za ovakvu situaciju.

Marijela Hašimbegović dia

zastupnica